



Broj: 01- ~~413~~ 2980-6/17  
Sarajevo, 29.01.2018. godine

## UDRUŽENJIMA I SAVEZIMA ISELJENIKA IZ BOSNE I HERCEGOVINE

**PREDMET: Poziv za upis u Evidenciju udruženja i saveza iseljenika iz Bosne i Hercegovine**

Poštovani,

Ministarstvo za ljudska prava i izbjeglice Bosne i Hercegovine, u okviru svojih nadležnosti za iseljeništvo, zaduženo je za provođenje dokumenta "Politika o saradnji sa iseljeništvom" koju je Vijeće ministara Bosne i Hercegovine usvojilo na 99. sjednici održanoj 18.4.2017.godine ("Službeni glasnik BiH", br. 38/17). Dokument Politika predviđa mjeru 2.2. *Jačati kapacitete organizacija u iseljeništvu* što će biti realizovano kroz različite aktivnosti podrške udruženjima i savezima u iseljeništvu koje će pokrenuti Ministarstvo za ljudska prava i izbjeglice.

Osnov za pružanje podrške je upis u "Evidenciju udruženja i saveza iseljenika iz Bosne i Hercegovine" koju vodi Ministarstvo za ljudska prava i izbjeglice Bosne i Hercegovine. Upis se vrši u skladu sa "Pravilnikom o postupku upisa, sadržaju i načinu vođenja evidencije udruženja i saveza iseljenika iz Bosne i Hercegovine" broj 01-02-42-2980-5/17 od 10.11.2017.godine (u prilogu).

Upis u Evidenciju vrši se na osnovu prijave za upis koja se podnosi Ministarstvu za ljudska prava i izbjeglice na Obrascu 1 koji je sastavni dio Pravilnika. Prijava se popunjava elektronski, latiničnim ili ćirilničnim pismom, na jednom od tri službena jezika u upotrebi u Bosni i Hercegovini. Uz prijavu se dostavljaju sljedeći dokumenti: ovjerena kopija rješenja o upisu u registar nadležnog organa u državi prijema; sudski prijevod rješenja na jedan od tri službena jezika u upotrebi u Bosni i Hercegovini; ovjerena kopija statuta ili ekvivalentnog dokumenta na osnovu kojeg je izvršena registracija kod nadležnog organa u državi prijema; sudski prijevod statuta ili ekvivalentnog dokumenta na jedan od tri službena jezika u upotrebi u Bosni i Hercegovini; ovjerena kopija akta o izboru ovlaštene osobe za zastupanje; sudski prijevod akta o izboru ovlaštene osobe za zastupanje na jedan od tri službena jezika u upotrebi u Bosni i Hercegovini.

Popunjena prijava, zajedno sa priložima, dostavlja se poštom i elektronskim putem na sljedeću adresu:


Ministarstvo za ljudska prava i izbjeglice Bosne i Hercegovine  
Trg Bosne i Hercegovine 1  
71000 Sarajevo, Bosna i Hercegovina  
Email adresa: [iseljenistvo@mhrr.gov.ba](mailto:iseljenistvo@mhrr.gov.ba)

Upis u "Evidenciju udruženja i saveza iseljenika iz Bosne i Hercegovine" omogućit će korištenje podrške Ministarstva za ljudska prava i izbjeglice u realizaciji aktivnosti udruženja i saveza, kao i redovno informisanje o projektima i mogućnostima saradnje sa Bosnom i Hercegovinom.

Pozivaju se udruženja, savezi i drugi oblici organizovanja iseljenika iz Bosne i Hercegovine koji su registrovani u zemljama prijema da se upišu u "Evidenciju udruženja i saveza iseljenika iz Bosne i Hercegovine".

Ukoliko trebate dodatne informacije, molimo vas da kontaktirate Ministarstvo za ljudska prava i izbjeglice - Sektor za iseljenistvo na: [iseljenistvo@mhr.gov.ba](mailto:iseljenistvo@mhr.gov.ba), tel. 033 703972.

S poštovanjem,

MINISTRICA  
Semiha Borovac  
  


Prilog: Pravilnik o postupku upisa, sadržaju i načinu vođenja evidencije udruženja i saveza iseljenika iz Bosne i Hercegovine